

Bwrdd Arloesi Gogledd Cymru

Cylch Gorchwyl

Ionawr 2026

1. Awdurdod/ 2. Cyfansoddiad	Uchelgais Gogledd Cymru, y Cyd-bwyllgor Corfforedig (CBC), yw'r corff atebol ar gyfer Bwrdd Parth Arloesi Gogledd Cymru (ac unrhyw raglenni neu brosiectau y gwahoddir ef i'w rheoli) a bydd yn dirprwyo cyfrifoldebau corff atebol i'w Is-bwyllgor Lles Economaidd.
3. Atebolrwydd	Mae Bwrdd Arloesi Gogledd Cymru, drwy ei Gadeirydd, yn gyfrifol i Gyd-bwyllgor Corfforedig y Gogledd a'i Is-bwyllgor Lles Economaidd. Bydd y Cadeirydd yn cysylltu â phartneriaid allweddol i'r Bwrdd Arloesi. Bydd adroddiadau ar gynnydd yn cael eu darparu gan Gadeirydd y Bwrdd Arloesi i'r Is-bwyllgor Lles Economaidd a phartneriaid eraill fel y bo'n briodol.
4. Swyddogaethau a chyfrifoldebau	Mae swyddogaethau a chyfrifoldebau allweddol Bwrdd Arloesi Gogledd Cymru fel a ganlyn: • Argymhell y Cylch Gorchwyl hyn i'r CBC • Sefydlu KPIs • Adnabod templed adrodd ac adrodd i'r CBC / Is-bwyllgor Lles Economaidd • Bwrw ymlaen â chynigion y Gronfa Partneriaeth Arloesi • Cefnogi cyflawni arloesedd Parth Buddsoddi Sir y Fflint a Wrecsam • Cefnogi cyflawni arloesedd Porthladd Rhydd Ynys Môn • Cyngori ar brosiectau arloesi a gyflwynwyd i Gynllun Twf Gogledd Cymru
5. Aelodaeth	Bydd Aelodaeth Bwrdd Arloesi Gogledd Cymru yn cael ei dynnu o gynrychiolwyr o'r sefydliadau a ganlyn. • Cadeirydd, wedi'i recriwtio o'r Diwydiant/Byd Academiaidd • Prifysgolion (Prifysgol Bangor a Phrifysgol Wrecsam) • Addysg Bellach (Grŵp Llandrillo Menai a Choleg Cambria) • M-Sparc • AMRC Cymru • Catapwlt Ynni Ar y Môr ac Adnewyddadwy • BIC Innovation • Diwydiant (Haen 1) • Diwydiant (BBaChau) • Cyrff Cyhoeddus (UKRI, Arloesi Cymru, UGC) • Sefydliadau eraill a arweinir gan Arloesedd a wahoddir Ystyrir bod gan y Bwrdd Arloesi gworwm pan fydd o leiaf 5 aelod yn bresennol yn y cyfarfod. Disgwylir i aelodau'r Bwrdd Arloesi fynychu o leiaf 75% o'r holl gyfarfodydd a dylent anelu at fynychu pob cyfarfod. Bydd presenoldeb yn cael ei gofnodi a'i fonitro. Os nad yw aelod yn gallu mynychu, gall yr aelod gynnig, yn ddelfrydol dri diwrnod neu fwy cyn y cyfarfod, i ddirprwy fynychu gyda chytundeb y Cadeirydd ar ran y Bwrdd Arloesi. Diben y dull hwn yw cynnal cydlyniaid y

	Bwrdd Arloesi. Rhaid i unrhyw ddirprwy a gynigir fod yn unigolyn sy'n gwbl gymwys, yn ymwybodol ac wedi ei hysbysu o'r materion i'w trafod yn y cyfarfod, fel ei fod yn gallu rhoi mewnbwn llawn drwy ddarparu'r arbenigedd angenrheidiol i drafod materion allweddol. Disgwylir i'r Aelodau fod o statws ac enw da yn eu priod sectorau a'u bod yn ymddwyn gan ystyried statws ac enw da Uchelgais Gogledd Cymru a'i phartneriaid.
6. Cydraddoldeb, amrywiaeth a chynhwysiad	Wrth gynnal ei fusnes, bydd y Bwrdd Arloesi bob amser yn ceisio hyrwyddo ei ymrwymiad i'r Gymraeg ac i gydraddoldeb ac amrywiaeth drwy greu amgylchedd sy'n gynhwysol i'w aelodau a'i bartneriaid gan gynnwys y rhai sydd â nodweddion gwarchodedig ac aelodau bregus o'n cymuned.
7. Cyfathrebu	Bydd y Bwrdd Arloesi yn cael ei gefnogi gan UGC ac yn cyfarfod bob chwarter mewn fformat hybrid mewn lleoliadau ledled y Gogledd. Bydd arddull cyfathrebu agored yn cael ei fabwysiadu ar faterion Bwrdd Arloesi rhwng ac ar ran partneriaid.
8. Gweinyddu'r cyfarfodydd ac adrodd iddynt	Bydd swyddog y CBC yn gweithredu fel ysgrifennydd i'r Bwrdd Arloesi a bydd yn darparu cymorth priodol i'r Cadeirydd ac aelodau'r Bwrdd Arloesi. Bydd rhaglenni a phapurau'n cael eu cyflwyno o leiaf 5 diwrnod busnes llawn cyn cyfarfod. Bydd cofnod ffurfiol o holl gyfarfodydd y Bwrdd Arloesi'n cael ei gyflwyno i'r Is-bwyllgor Lles Economaidd. Bydd unrhyw adborth gan yr Is-bwyllgor Lles Economaidd yn cael ei adrodd i'r Bwrdd Arloesi.
9. Gwrthdaro buddiannau	Bydd yn ofynnol i aelodau'r Bwrdd Arloesi ddatgan unrhyw wrthdaro buddiannau wrth iddynt godi. Bydd gofyn iddynt gadw at Saith Egwyddor Bywyd Cyhoeddus, fel y'u lluniwyd gan y Pwyllgor ar Safonau mewn Bywyd Cyhoeddus a elwir yn fwy cyffredin yn Egwyddorion Nolan. Gan sicrhau dull cytbwys, bydd gwrthdaro buddiannau yn cael ei reoli yn unol â Pholisi Gwrthdaro Buddiannau'r CBC ar gyfer Cyrff Ymgynghorol. Bydd angen Datganiadau Gwrthdaro Buddiannau ar ddechrau rhaglen pob cyfarfod. Bydd holl gofnodion a phapurau cyfarfodydd yn cael eu cyhoeddi felly bydd unrhyw Wrthdaro Buddiannau yn dryloyw yn gyhoeddus.
10. Adolygu	Bydd Cylch Gorchwyl Bwrdd Arloesi Gogledd Cymru yn cael ei adolygu'n flynyddol.